



«ԻՆՏԵՐԱԿՏԻՎ ԿՐԹՈՒԹՅԱՆ
ՀԻՄՆԱԴՐԱՄ

ԶԱՐԳԱՑՈՒՄ



**ՀԵՐԹԱԿԱՆ ԱՏԵՍՏԱՎՈՐՄԱՆ ԵՆԹԱԿԱ
ՈՒՍՈՒՑԻՉՆԵՐԻ ՎԵՐԱՊԱՏՐԱՍՏՄԱՆ ԴԱՍԸՆԹԱՑ 2022**

ՀԵՏԱԶՈՏԱԿԱՆ ԱՇԽԱՏԱՆՔ

ԹԵՄԱ՝ «Ուսուցման ինտերակտիվ (փոխներգործուն) մեթոդների կիրառումը և

արդիականությունը ռուսաց լեզվի դասաժամերին»

ԱՌԱՐԿԱ՝ Ռուսաց լեզու

ՀԵՂԻՆԱԿ՝ Հախյան Էվելինա

ՄԱՐԶ՝ Արագածոտնի

ՈՒՍՈՒՄՆԱԿԱՆ ՀԱՍՏԱՏՈՒԹՅՈՒՆ՝ «Երվանդ. Պետրոսյանի անվան Հնաբերդի

միջնակարգ դպրոց >> ՊՈԱԿ

ԲՈՎԱՆԴԱԿՈՒԹՅՈՒՆ

Ներածություն.....	2 էջ
Գլուխ 1. Ուսուցման փոխներգործուն մեթոդները.....	5 էջ
Գլուխ 2. Ինտերակտիվ մեթոդների կիրառման միջոցով սովորողների վերլուծահամադրական կարողությունների զարգացումը.....	11 էջ
2.1. Ճանաչողական գործունեությունը զարգացնող կիրառած խաղեր և վարժություններ.....	11 էջ
2.2. Փորձնական վարած դասերի վերլուծություն.....	13 էջ
Եզրակացություն.....	17 էջ
Գրականության ցանկ.....	18 էջ

Ներածություն

Կրթության և ՏՀՏ-ի փոխհարաբերության կողմերից մեկը հենց կրթության ոլորտում նոր տեխնոլոգիաների ներդրման միջոցով կրթության համակարգի արդիականացումը, ուսուցման և ուսումնառության արդյունավետության մեծացումն է:

Սկզբունքային, ինքնուրույն որոշումներ կայացնող, արագ կողմնորոշվող, վերլուծող, եզրահանգումներ կատարող ու այլընտրանքային լուծումներ գտնող. այսպիսին է 21-րդ դարի մարդուն ներկայացվող նկարագիրը:

Հետևաբար կրթության նպատակը ևս պետք է լինի հենց այս պահանջներին բավարարող անձ ձևավորելը: Մա տարրական դպրոցի ուսուցչի համար հատուկ պատասխանատվություն է սահմանում: Նրա խնդիրն է ոչ միայն կարդալ ու գրել սովորեցնել, այլ նաև երեխայի հոգևոր հիմքը հաստատել, բացահայտել նրա լավագույն որակները, ուսումնական գործունեության ուղիները ցույց տալ: Հենց վերջինն էլ հատկապես կարևոր է այժմյան արագ փոփոխվող, տեղեկատվությամբ հեղեղված աշխարհում: Պետք է սովորեցնել երեխային աշխատել տեղեկատվության հետ, սովորեցնել սովորել:

Այդ նպատակների իրականացման համար ուսուցչի աշխատանքային գործունեության մեջ ՏՀՏ միջոցների կիրառումը անհրաժեշտություն է դառնում:

ՏՀՏ-ների օգտագործման նպատակահարմարության մասին են խոսում նրանց տարիքային այնպիսի առանձնահատկություններ, ինչպիսիք են տեսողական-պատկերավոր մտածողության զարգացումը: Եթե տեղեկատվությունը չի ընկալվել, ապա այն չի կարող հասկանալի, յուրացված լինել, չի կարող դառնալ անհատի սեփականությունը, նրա մշակույթը:

Այս առումով հատկապես կարևոր է կրտսեր դպրոցական տարիքը, որը չափազանց կարևոր շրջան է, քանի որ հենց այս տարիքում են դրվում անձի ձևավորման և զարգացման հիմքերը, սկսվում այս արագընթաց փոփոխվող աշխարհին հարմարվելու գործընթացը, որը պետք է լինի անընդհատ և շարունակական այս առումով կարևորում ենք ինտերակտիվ մեթոդների կիրառումը ռուսաց լեզվի դասաժամերին՝ բնագրի շուրջ իրականացվող աշխատանքներում:

Հոգեբանամանկավարժական հետազոտությունները ցույց են տվել, որ դպրոցական տարիքը որոշիչ նշանակություն ունի անձի մտավոր, անձնային, սոցիալական և հուզական

զարգացման համար:

Մեր հիմնախնդիրն է ռուսաց լեզվի դասաժամերին բնագրի շուրջ աշխատանքի միջոցով զարգացնել սովորողների վերլուծական կարողությունները, բացահայտել քննադատական զարգացման հնարավորությունները, դրան նպաստող ինտերակտիվ մեթոդները, մեթոդական միջոցներն ու հնարները:

SZS-ի ներդրման և կիրառության տեսանկյունից ամենաբարդը իհարկե, դպրոցն է: Առայժմ ծրագրերի իրականացման առումով հենց այստեղ է նկատվում ամենամեծ աշխուժությունը:

Ուսումնասիրության նպատակը: Մեր հետազոտական աշխատանքի նպատակն է մշակել և ներկայացնել այնպիսի մեթոդներ և մեթոդական հնարներ, որոնք կնպաստեն ռուսաց լեզվի դասաժամերին բնագրի շուրջ աշխատանքի ընթացքում սովորողների մտածողության զարգացմանը:

Հետազոտության խնդիրները՝

- Ուսումնասիրել աշխատանքի հիմնախնդրի վերաբերյալ առկա գիտամեթոդական գրականությունը, դիտարկել դրանցում ներկայացված սկզբունքները:
- Ռուսաց լեզվի դասաժամերին կիրառել ուսումնասիրված ինտերակտիվ մեթոդները:
- Ստեղծել միջառարկայական կապ:
- Նշել մեթոդի կիրառման բարդությունները:

Հետազոտության բազան: Երվանդ Պետրոսյանի անվան Հնաբերդի միջնակարգ դպրոցի 2-9-րդ դասարաններ:

Ուսումնասիրության գործնական նշանակությունը:

Գործնական նշանակությունը: Մեր մշակած մեթոդները և մեթոդական հնարները կարող են կիրառվել ինչպես տարրական դպրոցում ռուսաց լեզվի դասերի ընթացքում, այնպես էլ միջին և ավագ դպրոցում:

Ուսումնասիրության կառուցվածքը: Ուսումնասիրությունը բաղկացած է ներածությունից, երկու գլխից, եզրակացություններից, առաջարկություններից, օգտագործված գրականության ցանկից և հավելվածից:

Գլուխ 1. Ուսուցման փոխներգործուն մեթոդները

Փոխներգործուն աշխատելը նշանակում է երկխոսության մեջ գտնվել ինչ-որ մեկի հետ: Փոխներգործուն ուսուցում է երկխոսության միջոցով: Այն ուսուցման տեխնոլոգիա է՝ հիմնված խմբում նրա մասնակիցների փոխազդեցության վրա, ուսուցման խնդիրների լուծման ազդեցության վրա: Ինտերակտիվ ուսուցման ուսուցման էությունը կայանում է նրանում, որ սովորողները ընդգրկվում են ճանաչողական գործընթացի, նրանք հնարավորություն ունեն հասկանալ և հետադարձ կապի միջոցով ներկայացնել իրենց հասկացածը: Փոխգործուն ուսուցումը ենթադրում է երկխոսության միջոցով շփման կազմակերպում և զարգացում:

Գոյություն ունի ու լեզուն ուսումնասիրելու երեք մոտեցում և բոլոր մեթոդները պայմանականորեն բաժանվում են խմբերի:

- Աուդիո-լեզվական մեթոդ, այս մեթոդի նպատակն է միաժամանակ աշխատանքի մեջ ներգրավել ուղեղի ճանաչողական և լսողական ֆունկցիաները:
- Խոսակցական ուսուցում-ներառում է երկխոսություններ, դերախաղեր, խմբային աշխատանքներ:
- Կարդալու և պատմելու մեթոդ-ուսուցիչը փոքրիկ պատմություններ է պատմում աշակերտներին, հետո էլ հարցեր տալիս պատմության վերաբերյալ:

Դպրոցում ուսուցչի աշխատանքի և աշակերտների ուսումնական հաջողությունների արդյունքները չափվում են ձեռք բերված գիտելիքներով, կարողություններով ու հմտություններով: Արդի ժամանակաշրջանում, երբ կյանքն օրեցօր առաջընթաց է ապրում, դպրոցի կարևորագույն խնդիրներից են դառնում աշակերտների ճանաչողական հետաքրքրությունների, նրանց ստեղծագործական մտածողության, ինքնուրույն որոշումներ կայացնելու կարողությունների ձևավորումն ու զարգացումը: Ճանաչողական հետաքրքրությունների համար խթան կարող են դառնալ ուսուցումը հետաքրքիր դարձնելը, ուսուցման գործընթացում ստեղծագործական մթնոլորտի ապահովումը, ինչպես նաև բարդ, բայց հրապուրիչ խնդիրների առաջադրումը: Այդ նպատակով անհրաժեշտ է գտնել ուսուցման

այնպիսի հնարներ, որոնք ոչ միայն ցանկալի ու հետաքրքիր լինեն երեխաների համար, այլև ունենան ուսուցողական, ճանաչողական նշանակություն և միաժամանակ խթանեն աշակերտների ստեղծագործական միտքը:

Փոխգործուն մեթոդներ կիրառող ուսուցիչը հանդես է գալիս միջնորդի, վերահսկողի, կազմակերպողի, ուսուցանողի դերով: Նա պետք է միջնորդ հանդիսանա երեխայի և ուսուցանվող առարկայի կամ նյութի միջև, ուշադիր հետևի երեխային և անհրաժեշտ պահին օգնություն ցույց տա, շտկումներ, անի, դասարանում ստեղծի բարենպաստ միջավայր և ուշադիր դիտարկի երեխայի վարքը, գնահատի հոգեկան և ֆիզիկական զարգացումը, հետևի, որ երեխաները իրար չխանգարեն: Ինտերակտիվ մեթոդները կիրառելիս ուսուցիչները պետք է հիշեն.

- Բոլոր սովորողները պետք է այս կամ այն կերպ ներգրավված լինեն աշխատանքում:
- Հաշվի առնել սովորողների հոգեբանական;

Ինտերակտիվ ուսուցման սկզբունքներն են.

- Փոխազդեցություն
- Սովորողի ակտիվություն
- Խմնային կապի վրա հիմնվել
- Հետադարձ կապ

Ուսուցման պրոցեսում տարբերում են դասավանդման պասիվ, ակտիվ և ինտերակտիվ մեթոդներ:

Պասիվ մեթոդ: Այս դեպքում ուսուցիչը հիմնական գործող անձն է, որը ղեկավարում է դասընթացը, իսկ աշակերտները պասիվ լսողներ են: Ուսուցիչ աշակերտ կապը իրականացվում է հարցումների, թեստերի, ստուգողական աշխատանքների միջոցով: Այս մեթոդը քիչ էֆեկտիվ է: Դրա առավելությունը միայն սահմանափակ ժամանակում նյութի մեծ ծավալի մատուցումն է: Ակտիվ մեթոդները հիմնված են ուսուցիչ աշակերտ համագործակցության վրա, այսինքն ուսուցիչը և աշակերտը հավասարապես մասնակցում են ուսումնական պրոցեսին: Աշակերտները պասիվ լսողներ չեն, այլ ակտիվ մասնակիցներ: Ակտիվ մեթոդների նպատակն է՝ բոլոր պրոցեսների (խոսք, հիշողություն, երևակայություն) օգտագործումն գիտելիքների, հմտությունների յուրացման համար: Աշակերտը գիտելիք է ստանում տարբեր աղբյուրներից ինֆորմացիայի վերլուծման արդյունքում: Ակտիվ ուսուցման

մեթոդները սովորելու, ճանաչողական գործունեություն ծավալելու ուղիներն են, ինչի համար սովորողները պետք է մտածեն, ստեղծագործեն: Ինտերակտիվ մեթոդը կարելի է համարել ակտիվ մեթոդների առավել ժամանակակից ձև: Այս հասկացությունը ծագել է անգլերեն «interact», «interփոխադարձ», «act-գործել» բառերից: Ինտերակտիվ ուսուցումը դա երկխոսությամբ ուսուցում է, որի ընթացքում աշակերտները համագործակցում են ոչ միայն ուսուցչի, այլև միմյանց հետ: Ինտերակտիվ ուսուցման ժամանակ ուսուցիչը նոր գիտելիքներ փնտրելու իր հանձնարարություններով մասնակիցներին ուղղորդում է անկախ հետազոտությունների կատարմանը:

Ուսուցչի ֆունկցիաներն են՝

1. Բացատրել սպասվելիք աշխատանքի նպատակը: Դասի սկզբում հայտարարել թեման և քննարկվող հարցերը:
2. Բաժանել սովորողներին խմբերի և տալ հանձնարարություններ:
3. Չթողնել առանց ուշադրության սխալ մեկնաբանությունները, սակայն միևնույն ժամանակ միանգամից չտալ ճիշտ պատասխանը:
4. Հետևել, որ քննադատվի միտքը, կարծիքը, այլ ոչ թե միտքը արտահայտող աշակերտը:
5. Օգնել աշակերտներին գալ ընդհանուր եզրահանգման և դասի վերջում անել եզրակացություններ, որոնք ունեն պրակտիկ և ընդհանուր նշանակություն: Ուսուցչի ֆունկցիան աշակերտի ինքնուրույն աշխատանքի կազմակերպումն է: Հայտնի է, որ նոր բան սովորելիս մարդը թույլ է տալիս սխալներ, ուսուցչի խնդիրը կայանում է նրանում, որ աշակերտը ուսումնական պրոցեսում կատարված սխալները ուսումնասիրի, վերլուծի և հետագայում մասնագիտական գործունեության ժամանակ թույլ չտա: Ինտերակտիվ մեթոդները կիրառելիս, աշակերտը դադարում է լինել տեղեկատվության հիմնական տեղեկատու, միայն կարգավորում կազմակերպում է գործընթացը, տալիս խորհրդատվություն:

Մեր հետազոտական աշխատանքի շրջանակներում ուսումնասիրել ենք տարբեր գիտամեթոդական գրականություն և առանձնացրել ինտերակտիվ այնպիսի մեթոդներ, որոնք կարող են նպաստել սովորողների վերլուծահամադրական կարողությունների զարգացմանը, ապահովելով կրթության ավելի բարձր մակարդակ:

Այս մեթոդներից առանձնացրել ենք հետևյալները:

Խճանկար

Այս մեթոդի կիրառման ժամանակ աշակերտները խորամուխ են լինում ուսումնական նյութի որոշակի հատվածի, ասպեկտի, հիմնախնդիրներիմեջ և դրանք ուսուցանում իրենց դասընկերներին:

Խճանկար մեթոդը բաժանվում է հետևյալ փուլերի.

- Նյութի ուսումնասիրության և տեղեկատվության հավաքում-աշակերտները բաժանվում են հենակետային խմբերի: Խմբի յուրաքանչյուր անդամ դառնում է որևէ ենթաթեմայի փորձագետ: Փորձագետները ուսումնասիրում են իրենց ենթաթեման, հավաքում են տեղեկատվություն:
- Աշխատանք փորձագիտական խմբում – փորձագիտական խմբերի աշակերտները համեմատում են, հարստացնում իրենց նյութերը:
- Աշխատանք հենակետային խմբում յուրաքանչյուր փորձագետ հենակետային խմբի մյուս անդամների սովորեցնում է իր ենթաթեման:
- Ավարտական աշխատանք – աշակերտներից յուրաքանչյուրը ներկայացնում է ամբողջ թեման :
- Ամփոփում – արդյունքներն ամփոփվում են ըստ անհատական և խմբային ցուցանիշների:

Ձևագնդի

Ուսուցիչն աշակերտներին ներկայացնում է որևէ պատմություն, առաջադրանք կամ կոմիքս: Անհատական աշխատանք- ի՞նչ միտք է ծագում առաջին հերթին: Գրեք ձեր գաղափարների ցանկն այս պատմության վերաբերյալ: Կազմեք զույգեր և իրար ներկայացրեք ձեր անձնական կարծիքները:

Ապա միասին ձևակերպեք երկուսիդ համար ընդհանուր 3-4 կարծիք, որոնք վերցված են ձեր անհատական կարծիքներիցանկից: Գրեք դրանք թղթի վրա: Կազմեք 4 հոգանոց խմբեր: Ներկայացրեք զույգերով կազմած կարծիքները և նորից ձևակերպեք 4

ընդհանուր կարծիքներ ամբողջ խմբի համար: Խումբը գրում է դրանք առանձին թղթի վրա: Երկուական 4 հոգանոց խմբերը միանում են, կազմում 8 հոգանոց խմբեր: ներկայացնում են իրենց կարծիքները, պարզում նմանությունները և տարբերությունները: Նորից ձևակերպեք 4 ընդհանուր կարծիք ամբողջ խմբի համար: Խմբերի ձևակերպած բոլոր կարծիքները ներկայացրեք դասարանին: Սովորողների հետ տարեք անդրադարձ տալով հետևյալ բնույթի հարցեր.

- Ի՞նչ զգացումներ ունեիք մենակ աշխատելիս:
- Ո՞րն էր 2-ով աշխատելու առավելությունը մենակ աշխատելու համեմատ:
- Ո՞ր փուլում էին բոլորը հավասար և ակտիվ մասնակցում:
- Արդյո՞ք բոլորը մասնակցեցին քննարկմանը 8 հոգանոց խմբով աշխատելիս:

Միևնույն ժամանակ հետևեք խմբերի դեմ առ դեմ փոխազդեցությանը, և անհրաժեշտության դեպքում, աշակերտների ուշադրությունը հրավիրեք դրա համար դրա վրա՝ հատկապես ութ հոգանոց խմբում: Աշակերտների համար ակնհայտ է դառնում, 8 հոգանոց խմբերով աշխատելն ավելի դժվար է:

Կանխատեսում բաց հարցերի միջոցով

Այս մեթոդը կիրառելիս կարելի է ընտրել որևէ անսպասելի ավարտով գեղարվեստական ստեղծագործություն: Անհրաժեշտ է ստեղծագործությունն այնպես բաժանել, որ կանգ առնեք անսպասելի շրջադարձային իրադարձությունների վրա: Յուրաքանչյուր դադարի ժամանակ պետք է երեխաներին հարցնել. «Ի՞նչ էք կարծում, ինչ կլինի հետո», «Ինչու՞ էք այդպես կարծում»: Այս հարցերը երեխաներին դրդում են մտածել: Վերջաբանը կարդալուց հետո, անհրաժեշտ է երեխաների հետ քննարկել բնօրինակից իրենց տարբերակների նմանություններն ու տարբերությունները: Այս հնարները երեխաներին օգնում են ոչ միայն տրամաբանորեն մտածել, այլ սովորեցնում է նրանց ճիշտ խոսել: Որքան շատ է երեխան բանավիճում, վիճում, ապացուցում իր տեսակետը, այնքան ավելի զարգացած և գրական է դառնում նրա խոսքը: Յուրաքանչյուր երեխա, որն արտահայտում է իր կարծիքը, պետք է բացատրի, թե ինչու է այդպես կարծում: Այս հնարը կարելի է կիրառել երեխաների առօրյա գործունեության ընթացում, գեղարվեստական գրականության պարապմունքների ընթացքում:

- ❖ «Ճիշտ և սխալ պնդումներ»
- ❖ Դերային խաղ
- ❖ Կլաստեռ

Կլաստեռը տեղեկատվության համակարգում է շրջանների մեջ: Մեջտեղում գրվում է բանալի հասկացության նկարը, շուրջը այն նկարները, որոնք տրամաբանորեն կապված են բանալի բառի հետ: Կարելի է կլաստեռ կազմել ցանկացած թեմայով՝ «Տրանսպորտ», «Տարվա եղանակներ», «Բանջարեղեններ», «Մրգեր», «Կենդանիներ», «Թռչուններ» և այլն:

Խորանարդ (կուբիկ)

Կուբիկի ամեն կողմ կրում է որևէ հարց. Առարկան պատկերող նկար: Ի՞նչ է սա: Ինչի՞ է նման: Ի՞նչ ձև, գույն, չափս ունի: Ինչի՞ համար է օգտագործվում, ով կարող է այն օգտագործել: Դրական և բացասական նշանակությունը:

Խառը իրավիճակ

Երեխային հանձնարարվում է դասավորել հեքիաթի կամ պատմվածքի նկարները, այն հաջորդականությամբ, որը երեխան ճիշտ է համարում: Ապա կարդում է ստեղծագործությունը և առաջարկում երեխաներին ստուգել նկարների հաջորդականությունը:

Մտածիր գուգորդի, մտքեր փոխանակիր

Ուսուցիչը նախօրոք թեմայի շուրջ հարցեր է պատրաստում, սովորաբար երկակի պատասխան են ենթադրում և աշակերտներին խնդրում է կրճատ գրել այդ հարցերի պատասխանները: Հետո աշակերտները գույգեր են կազմում և միմյանց հետ մտքեր փոխանակում փորձելով գտնել այն պատասխանը, որն ամբողջացնում է իրենց երկուսի պատասխանները: Ապա ուսուցիչը հարցնում է գույգերից մի քանիսին, որոնք ներկայացնում են իրենց քննարկումների արդյունքները:

Հավասարապես լսել և աշխատել

Մրա նպատակն է լսել, խոսել, ներդրում կատարել և այն սոցիալական հմտություններ ձեռք բերել: Կազմել 4 հոգանոց խմբեր, տալ քննարկելու կամ աշխատելու թեմա: Մինչև սկսելը յուրաքանչյուր խմբին տալ 12 լուցկու հատիկ: Նրանք բաժանում են հատիկները խմբի անդամների միջև հավասարապես: Մեկ հատիկը նշանակում է խմբում խոսել 1 անգամ: Յուրաքանչյուր խոսելուց հետո իր հատիկը դնում է խմբի կենտրոնում: Դա իրենց ներդրումն է խմբի աաշխատանքին: Վերջում կատարվում է հետևյալ անդրադարձը արդյո՞ք խմբում միշտ լսում ենք ուրիշներին, արդյո՞քք հնարավորություն ենք տալիս արտահայտվել քչախոսներին, ինչպե՞ս մենք կապակցենք մեր ելույթները, ինչպե՞ս է այս վարժությունը բարելավելու համագործակցությանը

Կանխատեսումների բուրգ

Նպատակն է սովորեցնել երեխաներին ձևակերպել վարկածներ:

- ❖ Հուշող նշաններ
- ❖ «Հնգատող»
- ❖ Կանխատեսում
- ❖ «Ճիշտ և սխալ պնդումներ»

- ❖ Դերային խաղ
- ❖ Տրամաբանական շղթաներ

Գլուխ 2. Ինտերակտիվ մեթոդների կիրառման միջոցով սովորողների վերլուծահամադրական կարողությունների զարգացումը

2.1. Ճանաչողական գործունեությունը զարգացնող կիրառված խաղեր և վարժություններ

Մեր երկար տարիների մանկավարժական փորձից ելնելով կարող ենք ասել, որ չնայած նրան որ կրթության ավանդական ուսուցման մեթոդն է համարվում ժամակակից մեթոդների հիմքը, ժամանակակից մեթոդները ստեղծում են ավելի պարարտ հող նյութի դյուրին ընկալման համար: Հիմք ընդունելով այս հանգամանքը և ուսումնասիրելով ժամակակից մեթոդները և դրանց գործածումը, կիրառել ենք մեր իրականացրած դասապրոցեսների ընթացքում և այս գլխում ներկայացրել ընթացքը:

Երկրորդ դասարանում կիրառել ենք <<Հետևիր և կատարիր>> փոխներգործուն մեթոդը, որի նպատակն է զարգացնել ուշադրության տեղափոխման ունակությունը: Ընթացքը: Ուսուցիչն անվանում է մի քանի բառ՝ «стул», «кровать», «карандаш», «тетрадь», «книга», «ворона», «абрикос», «стол», «подсолнух», <<морковка>> և այլն: Ըստ նախնական պայմանավորվածության՝ երեխան պետք է արձագանքի որոշակի խմբի կամ խմբերի (мебель, растение, фрукты, овощи) պատկանող բառերը լսելիս: Օրինակ՝ ուսուցիչն ասում է. «Այժմ ես կթվեմ բառեր, դուք պետք է ուշադիր լսեք, երբ որևէ մրգի անուն լսելիս պետք է ծափ տաք»: Եթե երեխան ընկճվի, շփոթվի, ապա վարժությունը կրկնել ևս մեկ անգամ: Երբ երեխան յուրացնում է առաջին հրահանգը, խաղը կարելի է աստիճանաբար բարդացնել: Երկրորդ հրահանգի դեպքում կարելի է երեխային առաջարկել, որ կանգնի այն ժամանակ, երբ լսի բույսերի անուններ: Վերջում կարելի է միավորել առաջին և երկրորդ խաղերը, այսինքն՝ երեխան ծափ է տալիս մրգի անվանում լսելիս և կանգնում է՝ բույսի դեպքում: Խաղի կիրառման ընթացքում երեխաները դրսևորեցին ակտիվ մասնակցություն, որը նպաստեց նյութի ամրապնդմանը, ըստ այդմ կարող ենք եզրակացնել, որ մեր կիրառած մեթոդը արդյունավետ էր:

Երրորդ և չորրորդ դասարաններում կիրառել ենք <<кто?, что?>> մեթոդական հնարը: Որի նպատակն է զարգացնել երեխայի բառապաշարը, տարբերել շնչավոր

առարկան անշնչավորներից, զարգացնել արագ կողմնորոշվելու ունակությունը: Խաղի ընթացքը: Ուսուցիչը կանգնեցնում է երկու երեխայի դեմ դիմաց, որոնց գլխին ամրացված են նկարներ, որոնցից յուրաքանչյուրը պետք է բացատրի դիմացինի գլխին ամրացված նկարը, մյուսը գուշակում է տվյալ առարկան:

Խաղի ավարտին ուսուցիչը ներկայացնում է այն աշակերտին, ով ամենալավը բացատրեց, ներկայացրեց նկարը, և այն աշակերտին, ով ամենաարագը գուշակեց պատկերը: Այս խաղը օգնում է երեխաներին սովորել նոր բառեր, կարողանալ նկարագրել տվյալ առարկան, տարբերակել որ բառերն են պատասխանում <<՛՛՛՛?>> և որոնք են պատասխանում <<՛՛՛՛?>> հարցերին և համեմատել հայերենի հետ: Անձանոթ բառերը լավ հիշելու և ամրապնդելու համար գրում ենք գրատախտակին և տետրում ` բաժանելով խմբերի` մի սյունակում գրում ենք բառեր, որոնք պատասխանում են ՛՛՛՛? հարցին և բառեր, որոնք պատասխանում են <<՛՛՛՛?>>հարցին: Սրանով ամփոփում ենք դասը և գնահատում:

Երկրորդ դասարանում տառուսուցման ժամանակ դասը կազմակերպել էինք այնպես որ երեխան ծանոթանում է մի այնպիսի տառի, որն ունի բերան, աչիկներ ու թաթիկներ, խոսում է երեխաների հետ և պատմում իր մասին: Երեխաները սեղմում են նրա թաթիկը, բարևում և խոստանում չնեղացնել և չմոռանալ նրան, ապա հեշտությամբ և հաճույքով մտապահում են նոր տառը: Այդ դեպքում յուրացումն իրականանում է գրեթե ինքնըստինքյան:Երեխաները մեծ հետաքրքրություն ու մասնակցություն ցուցաբերեցին տվյալ խաղի ընթացքում, ինչը նպաստեց տառաճանաչման գործընթացին: Դպրոցում կենդանի մանկավարժական գործընթացում խաղերը չեն կարող ինքնանպատակ լինել: Խաղը պետք է հանդես գա ոչ թե որպես առանձին հնար, այլ միաձույլ լինի ուսուցմանը և ծառայի ուսումնական նպատակին: Հարկավոր է երեխաների մեջ արթնացնել հետաքրքրություն և այդ կերպ նպաստել մանկավարժական խնդիրների լուծմանը:

2. 2. Փորձնական վարած դասերի վերլուծություն


Թեևա՝ Խոսքի մաս: Վեցերորդ դասարան:

Դասի նպատակը՝ ճիշտ յուրացնել և հասկանալ խոսքի մասերը, համեմատական անցկացնել հայերենի հետ:

Դասի ընթացքը: Դասն իրականացվում է ԽԻԿ մեթոդով:

Խթանում

Խթանման փուլում դասի վերնագրի շուրջ իրականացվում է <<մտազրոհ>> մեթոդական հնարը:



Իմաստի ընկալում

Ընթերցել հեքիաթը, որի ընթացքում յուրաքանչյուր հատվածի վերաբերյալ կատարվում է ինտերակտիվ քննարկում: Հեքիաթի յուրաքանչյուր հատված ընթերցելիս իրականացվում է բացատրական աշխատանք:

Հատված 1.

Լինում են, չեն լինում, խոսքի մասեր են լինում: Աշխատասեր բայը, շփվող գոյականը, հիասքանչ ածականը: Մի անգամ բայը որոշում է, որ ինքը պետք է օգուտ տա մարդկանց և գնում է երջանկություն փնտրելու: Գնում է գնում, տեսնում է, որ գոյականը գերանին նստած լավիս է: Բայը հարցնում է գոյականին.

Ինչու ես այդքան տխուր: Գոյականը պատասխանում է.

- *Ձեր կարծիքով գոյականը ինչու՞ էր լայիս:*
- *Ձեր կարծիքով բայը ուր էր գնում երջանկություն փնտրելու:*

Լսել երեխաների կարծիքները և իրականացնել քննարկում:

-Ապրում եմ, ապրում, բայց չգիտեմ ինչի համար, ինչ օգուտ եմ տալիս:

Բայը ասում է, արի գնանք միասին երջանկություն փնտենք: Բարի մարդիկ ասում են, որ երջանկությունը աշխատանքի մեջ է: Գնում են, հնում և հանդիպում են տխուր, լռակյաց ածականին: Նրան հարցնում են.

-Ինչու ես այդքան տխուր: Նա պատասխանում է.

-Շատ միայնակ եմ ես, չգիտեմ ուժերս որտեղ օգտագործեմ և ում ուրախացնեմ: Արի մեզ հետ երջանկություն փնտրելու:

- *Ձեր կարծիքով ածականը կմիանա նրանց թե ոչ (եթե այո, ապա ինչու՞, եթե ոչ ապա ինչու՞)*
- *Ըստ ձեզ ածականը ինչու՞ էր միայնակ:*

Գնացին, գնացին և հայտնվեցին հեքիաթային քերականությունում: Այնտեղ բոլորը աշխատում էին և ժամանակ չունեին տխրելու: Նրանց բարեհամբույր ձևով դիմավորեցի և առաջարկեցին աշխատել նախադասության մեջ:

Այդ օրվանից բայը աշխատում է որպես ստորոգյալ և պատասխանում է հարցերին. *что делать? Что делает?*

Գոյականը ստացավ երկու դեր՝ ենթակա (*кто?, что*) և լրացում (*кого, чего, кому, чему, кем, чем*) կախված հոլովներից: Իսկ ածականը դարձավ հատկանիշ, նա միշտ այնտեղ է, որտեղ պետք է ցույց տալ ինչ-որ առարկայի հատկանիշ:

- *Հեքիաթի ընթերցումից հետո իրականացվում է ամփոփիչ զրույց հեքիաթի բովանդակության վերաբերյալ:*

Կշռադասում

- *Երեխաներից մի քանիսը ըստ ցանկության պատմում են հեքիաթը:*
- *Կատարում են վարժություններ՝ դասը ամրապնդելու համար: Տեքստից սյունակով դուրս ենք*

բերում գոյականներ, ածականներ և բայ: Ամեն բառի հետ աշակերտը նշում է հարցը, որպեսզի ավելի լավ ամրապնդվի:

Դասի ավարտին հարցերի միջոցով ամփոփում ենք, ով ինչ հասկացավ, ինչպես հասկացավ հետևյալ հարցաշարի միջոցով.

- Что такое части речи?
- Что обозначает существительное? Каким членом пред-ия бывает? Что обозначает глагол? На какие вопросы отвечает?
- Что такое прилагательное? На какие вопросы отвечает? Приведите примеры.

Դասի ավարտին բացատրվում և հանձարարվում է տնային աշխատանքը:

Անփութում և եզրակացություն

Ակտիվ ուսուցման մեթոդները մեթոդներ են, որոնք նպաստում են աշակերտների ճանաչողական գործունեությունը, կառուցված են հիմնականում երկխոսության վրա, որը ենթադրում է մտքերի ազատ փոխանակում կոնկրետ խնդրի լուծման ուղիների վերաբերյալ: Փոխգործուն մեթոդները մեթոդներ են, որոնք մատուցվող կրթական նյութերի յուրացման գործընթացում ապահովում են աշակերտների ակտիվությունը, մտածական և պրակտիկ գործունեության բազմազանությունը: Ուսուցման փոխգործուն մեթոդները հիմնված են պրակտիկ գործողությունների իրականացման, խաղային գործունեության և ուսուցման ստեղծագործական բնույթի, ինտերակտիվության, հաղորդակցման, երկխոսության, աշակերտների գիտելիքների և փորձի օգտագործման, խմբային աշխատանքի, գործընթացում բոլոր զգայարանների ներգրավման շարժման, և ռեֆլեքսիայի վրա:

Այսպիսով, ակտիվ մեթոդները ապահովում են կրթական խնդիրների լուծումը տարբեր տեսանկյուններից.

- Ուսումնական դրական խթանի ձևավորում,
- Աշակերտների ճանաչողական ակտիվության բարձրացում,
- Կրթական գործընթացում աշակերտների ակտիվ ներգրավում,
- Ինքնագործունեության խթանում,
- Ճանաչողական գործընթացների զարգացում-խոսք, հիշողություն, մտածողություն,
- Ուսումնական նյութի առավելագույն մասի արդյունավետ յուրացում,
- Ստեղծագործական մտածողության յուրացում:

Կատարած հետազոտությունը վերլուծելով և ամփոփելով կարող ենք ասել, որպեսզի դասերը լինեն արդյունավետ, բովանդակալից, հետաքրքիր, հասնեն դրված նպատակին, ունենան բավարար արդյունք, աշակերտները ստանան տեսական և գործնական գիտելիքներ, ուսուցիչը պետք է կարողանա ճիշտ կազմակերպել և պլանավորել դասը: Պետք է կարողանա ճիշտ կիրառել դիդակտիկ նյութեր, ժամանակակից տեխնոլոգիաներ, որպեսզի դասը լինի հետաքրքիր և տպավորիչ:

Իսկ դրա համար առաջին հերթին անհրաժեշտ է, որպեսզի դպրոցները ունենան դիդակտիկ պարագաներ և հագեցած տեխնիկական միջոցներ, որոնք կկարողանանք կիրառել ճիշտ և տեղին: Ժամանակակից տեխնոլոգիաներով անցկաված դասը ավելի հետաքրքիր է լինում և աշակերտները այդպես ավելի շատ նյութ են ընկալում ու հիշում: Ժամանակակից երեխային պասիվ դասերը հետաքրքիր չեն: Նրանց անհրաժեշտ է ամեն օր նոր և հիշվող դասեր ներկայացնել:

Հետազոտության ընթացքում պարզ դարձավ, որ երեսունից ավելի աշակերտ ունեցող դասարաններում դասերը այնքան էլ արդյունավետ չեն, քան ավելի քիչ աշակերտներ ունեցող դասարաններում:

Վերլուծելով այս ամենը՝ մենք գալիս ենք այն եզրակացության, որ նյութի բավարար ընկալման համար նկատվում է ռուսաց լեզվի ժամերի պակաս:

Մեր իրականացրած հետազոտական աշխատանքից կարող ենք եզրակացնել , որ ինտերակտիվ մեթոդների կիրառումը դասաժամերին նպաստում է ուսման նկատմամբ դրական խթանի ձևավորմանը:

Գրականության ցանկ

1. Алехин А.Ю. Общие методы обучения в школе. — К.: Радянська школа, 1983. — 244с.
2. Давыдов В. В. Теория развивающего обучения. — М.: ИНТОР, 1996. — 544 с.
3. Загвязинский В. И. Теория обучения: Современная интерпретация: Учебное пособие для вузов. 3-е изд., испр. — М.: Академия, 2006. — 192 с.
4. Краевский В. В., Хуторской А. В. Основы обучения: Дидактика и методика. Учеб. пособие для студ. высш. учеб. заведений. — М.: Издательский центр «Академия», 2007. — 352 с.
5. Ляудис В. Я. Методика преподавания психологии: Учебное пособие. 3-е изд., испр. и доп. - М.: Изд-во УРАО, 2000. - 128 с.
6. Михайличенко О.В. Методика преподавания общественных дисциплин в высшей школе: учебное пособие. – Сумы: СумДПУ, 2009. – 122 с.
7. Педагогика: Учеб. пособие для студентов пед. ин-тов / Под ред. Ю.К.Бабанского. — 2-е изд., доп. и перераб. — М.: Просвещение, 1988.
— С.385-409..
8. Աղախյան Ն. <Դասավանդման մեթոդիակալի արդի պահանջներ>
- 9.Գ. Դեմիրճյան (համակարգող) < Ուսումնամեթոդական ուղեցույց >
- 10.Պետրոսյան Հ. Հ. < Ուսուցման ժամանակակից տեխնոլոգիաներ> 2008թ 11.Ստեփան Երիցյան-Օտար լեզվի ուսուցման մեթոդներ
11. <https://armedin.am/wp-content/uploads/2019/09/%D4%B1%D5%AF%D5%BF%D5%AB%D5%BE-%D4%BB%D5%B6%D5%BF%D5%A5%D6%80%D5%A1%D5%AF%D5%BF%D5%AB%D5%BE-%D5%B8%D6%82%D5%BD%D5%B8%D6%82%D6%81%D5%B4%D5%A1%D5%B6-%D5%B4%D5%A5%D5%A9%D5%B8%D5%A4%D5%B6%D5%A5%D6%80.pdf>
12. Алехин Ю. А. < Ուսուցման ընդհանուր մեթոդիական դպրոցում >
13. Балаев А.А. <Активные методы обучение> 2006г.
14. Рачевский Е. Л. , Новикова А. М. < Методика игровой деятельности> Школа будущее

Հավելված 1. https://drive.mindmup.com/map/1wRVKNphm9I_0NuOX-SXPCq1dn3X-BK8K

